



Ráiteas Straitéise 2016-2019



An Roinn Gnóthaí Eachtracha agus Trádála
Department of Foreign Affairs and Trade



An Roinn Gnóthaí Eachtracha agus Trádála: Ráiteas Straitéise 2016-2019

Réamhrá ón Aire

Sa Ráiteas Straitéise seo, leagtar amach na príomhthosaíochtaí atá ag mo Roinn i leith na tréimhse trí bliana amach romhainn agus conas a bhainfidh amach torthaí fóna do shaoránaigh Éireannacha, sa bhaile agus thar lear. Is suaiteach iad cúrsaí caidrimh idirnáisiúnta faoi láthair agus beidh an freagra a thabharfaimid ar dhúshlán agus deiseanna an lae inniu ag dul i bhfeidhm ar rathúnas mhuintir na hÉireann agus ar shábháilteacht ár bpobail dhomhanda ar feadh i bhfad.

Gar do bhaile, fágann an cinneadh a rinne an Ríocht Aontaithe imeacht as an Aontas Eorpach nach mór dúinn tabhairt faoin gcaibidlíocht iltaobhach agus faoin gcaibidlíocht dhéthaobhach is tromchúisí sa ghlúin seo. Beidh an Roinn Gnóthaí Eachtracha agus Trádála, ag obair di i ndlíthpháirt le Roinn an Taoisigh agus leis na Ranna Rialtais agus na gníomhaireachtaí stáit ábhartha go léir, ag díriú ar a chinntiú nach mbeidh na téarmaí faoina n-imeoidh an Ríocht Aontaithe as an Aontas ina gcúis leis an mbonn a bhaint den phróiseas síochána i dTuaisceart Éireann agus go mbeidh an caidreamh polaitiúil, an caidreamh geilleagrach agus an caidreamh cultúrtha is fearr is féidir i réim idir na hoileáin seo. Beidh ár gcuid Misean thar lear ag cur leis an mbéim atá a leagadh acu ar mhargaí agus deiseanna nua a aithint do chuideachtaí Éireannacha ar mian leo a ngóthaí a éagsúlú.

Ba dheas an rud é a bheith in ann an cnaipe 'Cuir ar sos' a bhrú i leith imeachtaí in áiteanna eile ar fud an domhain agus an Breatimeacht agus a impleachtaí á mbainistiú againn – ar an drochuair, is annamh faoiseamh dá leithéid a bheith againn. Is iomaí dúshlán atá le sárú againn anois maidir le fadhbanna cosúil leis an imirce agus an athrú aeráide, fadhbanna atá fite fuaite lena chéile, agus beidh freagairtí samhlaíocha ag teastáil ina gcoinne ar fud limistéir thraidisiúnta freagrachta. Is tábhachtaí ná riamh anois an obair a dhéanamid chun an bhochtaineacht a laghdú, cearta an duine a chur chun cinn, forbairt inbhuanaithe a bhaint amach agus timpeallacht idirnáisiúnta atá bunaithe ar rialacha a chothú. Sin é an fáth a mbeimid ag dul i mbun feachtas díongháilte chun suíochán a bhaint amach ar Chomhairle Slándála na Náisiún Aontaithe in 2021-22 – chun ár gcion féin a dhéanamh maidir le domhan níos cothroime agus níos córa a bhaint amach, an domhan is mian linn a bheith ag ár bpáistí agus ár ngarpháistí.

Táim ag gnúth le bheith ag obair le Joe McHugh TD, an tAire Stáit um An Diaspóra agus Forbairt Idirnáisiúnta, agus Dara Murphy TD, an tAire Stáit um Ghnóthaí Eorpacha; comhghleacaithe ar fud an Rialtais; agus an fhoireann cumasach i mo Roinn féin sa bhaile agus thar lear chun na tosaíochtaí sin a chomhlíonadh sna blianta atá romhainn.

Charles Flanagan, TD

An tAire Gnóthaí Eachtracha agus Trádála

Ráiteas Misin

Is é an misean atá ag an Roinn Gnóthaí Eachtracha agus Trádála ná freastal ar mhuintir na hÉireann, a gcuid luachanna agus an rath atá orthu a chur chun cinn thar lear, agus an cumas, an anailís agus an tionchar a sholáthar don Rialtas lena chinntiú go mbainfidh Éire an leas is mó as gach réimse rannpháirtíochta seachtraí dá cuid.

Réamhrá ón Ard-Rúnaí

Tá cur síos sa Ráiteas Straitéise seo ar ár spriocanna don tréimhse 2016-2019, ar na torthaí sainiúla ar a bhfuilimid dírithe, agus ar na haschuir trína gcomhlíonfaimid na gealltanaí atá tugtha againn faoin gClár do Rialtas Comhpháirtíochta. Ina theannta sin, aithnítear sa straitéis na comhpháirtithe straitéiseacha a bhfuilimid ag brath ar chomhoibriú uathu chun na huaillmhianta sin a chomhlíonadh.

I ndeireadh na dála, is faoi fhoireann na Roinne seo – in 80 Misean thar lear agus in 10 n-áit ar fud oileán na hÉireann – atá sé an Ráiteas Straitéise seo don tréimhse 2016-2019 a chur i bhfeidhm. Is iad ár ndaoine an acmhainn is tábhachtaí dár gcuid. Cibé acu an bhfuil cúnaimh consalachta éigeandála á thabhairt acu do shaoránaigh Éireannacha thar lear; an bhfuil siad i mbun caibidlíochta ar son ár gcuid leasanna agus luachanna ar leibhéal an Aontais Eorpaigh nó na Náisiún Aontaithe; an bhfuil siad ag cabhrú le cuideachtaí Éireannacha dul i bhfód ar mhargaí nua; nó ag seasamh le dea-cháil na hÉireann, ba chóir go mbeadh an teacht aniar atá inár mbaill foirne ar fud an domhain, a gcumas agus a ndíograis ina chúis bhróid do mhuintir na hÉireann ar a ndéanann siad freastal.

Is dúshlánach é an saol sa lá atá inniu ann, ach is spreagúil é leis. Cé go bhfuil sé rithábachtach leasanna na hÉireann a chosaint, tá sé tábhachtach freisin na deiseanna a thagann leis an athrú a thapú. Tá ár dtiomantas do nuachóiriú a dhéanamh ar ár gcuid seirbhísí pas trí athnuachan ar líne a thaircint i gcás pasanna daoine fásta in 2017 ina shampla iontach den infheistiúcht sin san athchóiriú agus sa seirbhís do chustaiméirí. Is tábhachtach chomh maith go ndéanfaimid infheistiúcht inár gcuid córas teicneolaíochta agus cumarsáide féin lena chinntiú go mbeidh ár mbaill foirne in ann na deiseanna a thioctfaidh chun cinn d'Éirinn a thapú.

Táim ag súil go mór leis an Straitéis seo a chur chun feidhme agus le ról lárnach a bheith ag an Roinn seo maidir le comhlíonadh na tosaíochtaí uile-Rialtais i ngach aon chearn den domhan.

Niall Burgess

An tArd-Rúnaí, An Roinn Gnóthaí Eachtracha agus Trádála

Ár gCuid Luachanna Eagraíochtúla
Éagsúlacht; Ionracas; Ceannaireacht; Seirbhís; Barr Feabhais

Spriocanna
Cad iad na haidhmeanna atá againn?

Torthaí
Cad a bhainfimid amach faoin mbliain 2019?

Tosaíochtaí i dtaobh Aschur

Cad a bheidh déanta againn faoi dheireadh 2016, 2017, 2018 agus 2019?

Muintir na hÉireann
Freastal ar mhuintir na hÉireann sa bhaile agus thar lear agus an t-athmhuintearas agus an comhar a chur chun cinn

Síocháin bhuan agus athmhuintearas feabhsaithe i dTuaisceart Éireann agus feabhas ar an gcomhar Thuaidh-Theas, lena ndéanfar maolú ar aon tionchar diúltach de bharr chinneadh na Ríochta Aontaithe an tAontas Eorpach a fhágáil

Soláthar éifeachtach ar sheirbhísí pas agus seirbhísí consalachta dár gcuid saoránach

Tacaíocht dár n-eisimircigh agus rannpháirtíocht níos doimhne le lucht ár ndiaspóra

Tiomantas an Rialtais do sheasamh le gnéithe agus institiúidí uile Chomhaontú Aoine an Chéasta á léiriú go soiléir le linn caibidlíochta

Dul chun cinn leanúnach a dhéanamh maidir le Comhaontú Theach Stormont agus an Comhaontú um Thús Nua a chur chun feidhme; go sonrach, bunú an Choimisiúin Neamhspleách um Thuairiscí agus na n-institiúidí oidhreacht; agus dul chun cinn i leith rúin Dála sa réimse sin

Tacaíocht á tabhairt ar bhonn bliantúil do bhreis is 100 eagraíocht, idir eagraíochtaí de chuid na sochaí sibhialta agus eagraíochtaí pobail, trí Chiste Athmhuintearais na Roinne; leanúint ar aghaidh le clár Cuimhneacháin atá tuisceanach, cuimsitheach

Breis is 25 cruinniú in aghaidh na bliana den Chomhairle Aireachta Thuaidh-Theas a thionól chun leathnú agus treisiú a dhéanamh ar an gcomhar geilleagrach agus sóisialta trasteorann

Feabhas ar an tseirbhís do chustaiméirí agus ar an gcumas cur in aghaidh calaoise i gcomhthéacs éileamh méadaithe ar phasanna agus ar bhreitheanna thar lear a chlárú; agus athnuachan ar líne ar phasanna a thabhairt isteach in 2017 mar chuid den Chlár um Athchóiriú Pasanna

Cúnamh tráthúil cú a thabhairt do shaoránaigh leochaileacha thar lear; neartú ar an ullmhacht i leith géarchéimeanna agus ar an gcumas freagartha le haghaidh éigeandálaí consalachta thar lear

An chuid eile de na gealltanais a rinneadh faoi Bheartas Diaspóra an Rialtais a chur i bhfeidhm; agus athbhreithniú a dhéanamh ar an mbeartas agus ar chlár a ghabhann leis in 2017

Comhpháirtíocht leanúnach le Lónra Éireannaigh an Domhain, lena n-áirítear Fóram Eacnamaíoch Éireannaigh an Domhain a thionól

Cruinniú d'Fhóram Saoránachta Éireannaigh an Domhain in 2017

Tacaíocht bhliantúil a thabhairt do bhreis is 200 eagraíocht tríd an gClár Tacaíochta Eisimirciach chun cuidiú le heisimircigh Éireannacha agus pobail imirceach, agus chun rannpháirtíocht a spreagadh i measc an diaspóra ina dtíortha féin

Spríocanna

Cad iad na haidhmeanna atá againn?

**Ár nIonad san Eoraip
Luachanna agus
leasanna na hÉireann
san Eoraip a chosaint
agus a chur chun
cinn**

Torthaí

Cad a bhainfimid amach faoin mbliain 2019?

Leasanna na hÉireann a chosaint le linn na caibidlíochta ar imeacht na Ríochta Aontaithe as an Aontas Eorpach agus ar an gcaidreamh idir an tAontas agus an Ríocht Aontaithe san am atá le teacht

Leasanna na hÉireann a chur chun cinn agus a chosaint sa chaibidlíocht i dtaobh reachtaíocht an Aontais Eorpaigh agus cinní eile

Páirt iomlán ag Éirinn i bhforbairt an Aontais amach anseo agus é ag freagairt do dhúshláin mhóra agus d'ábhair inní na saoránach

Neart buan a bheith sa chaidreamh déthaobhach eadrainn féin agus an Ríocht Aontaithe, ina léireofar an ceangal – idir naisc pholaitiúla, naisc gheilleagracha agus naisc idir na daoine – is bonn leis an gcomhpháirtíocht ar leith eadrainn

Cur go mór le cur chun feidhme bheartais sheachtracha an Aontais Eorpaigh agus leis an tsíocháin agus an tslándáil i gcomharsanacht na hEorpa

Tosaíochtaí i dtaobh Aschur

Cad a bheidh déanta againn faoi dheireadh 2016, 2017, 2018 agus 2019?

Tuiscint a bheith ag comhpháirtithe agus institiúidí an Aontais ar leasanna ar leith na hÉireann maidir le Comhaontú Aoine an Chéasta, Tuaisceart Éireann agus an comhar Thuaidh-Theas – go háirithe maidir leis an teorainn – agus ardtosaíocht a bheith acu sin sa chaibidlíocht ar an mBreatimeacht

Príomhról a bheith ag an Roinn maidir le hionchur eolasach, comhtháite a ullmhú agus a chur i láthair thar ceann na hÉireann sa chaibidlíocht, agus leas iomlán á bhaint as ár mballraíocht san Aontas Eorpach agus as an tionchar a imrímid

Anailís, tuarascálacha, tograí beartais agus faisnéis ardchaighdeán, i réimsí lena n-áirítear an t-athrú aeráide, imirce, bearta frithsheimhlitheoireachta, slándáil agus cosaint, agus poist agus infheistíocht

Rannpháirtíocht leanúnach, spriocdhírthe ag na Misin le hInstitiúidí an Aontais Eorpaigh agus lenár gcomhpháirtithe san Aontas, agus iad ag freastal ar gach Roinn Rialtais

Tacaíocht don Taoiseach agus do na hAirí i ndáil lena rannpháirtíocht sa Chomhairle Eorpach agus i gComhairle na nAirí, go háirithe tríd an mBuanionadaíocht chuig an Aontas Eorpach, agus rannpháirtíocht éifeachtach i níos mó ná 4,000 cruinniú idir oifigigh gach bliain

Caidreamh neartaithe lenár gcomhpháirtithe san Aontas Eorpach trí chlár struchtúrtha cuairteanna rialta a thabharfaidh Airí agus oifigigh shinsearacha ar thíortha Eorpacha, agus a thabharfaidh ionadaithe na dtíortha sin orainne

Anailís a dhéanamh ar leasanna tosaíochta na hÉireann maidir le hathrú agus forbairt an Aontais amach anseo, agus maidir le conas ab fhearr a d'fhéadfaí iad a chothú agus a chosaint i bpróiseas athnuachana, lena n-áirítear aon athrú beartaithe ar an gConradh

Caidreamh láidir leis an Roinn um Fhágáil an Aontais Eorpaigh sa Ríocht Aontaithe, lena hOifig Gnóthaí Eachtracha agus Gnóthaí Comhlathais, le hOifig Thuaisceart Éireann agus le Ranna cú eile ar fud na caibidlíochta ar imeacht na Ríochta Aontaithe ón Aontas

Neartú ar an gcaidreamh Thoir-Thiar trí Chomhairle na Breataine-na hÉireann agus trí chaidreamh le húdaráis chineachta

Ról gníomhach i gComhairle Gnóthaí Eachtracha an Aontais, san Eagraíocht um Shlándáil agus Comhar san Eoraip, agus i gComhairle na hEorpa maidir le réitigh thaidhleoireachta a lorg ar ghéarchéimeanna agus ar choinbhleachtaí, lena n-áirítear sa Cholóm, sa tSiria, san Iaráic, sa Libia agus san Úcráin, agus tacaíocht gníomhach do ról níos láidre a bheith ag an Aontas Eorpach i bPróiseas Síochána an Mheánoirthir

Ár luachanna agus leasanna a bheith á léiriú i gcur chun feidhme Straitéis Dhomhanda an Aontais Eorpaigh agus beartais ghaolmhara ar thrádáil, forbairt, méadú, slándáil agus ar chomharsanacht an Aontais

Spríocanna
Cad iad na haidhmeanna atá againn?



Torthaí
Cad a bhainfid amach faoin mbliain 2019?

Domhan níos Cothroime: Dul chun cinn a dhéanamh ó thaobh deireadh a chur leis an mbochtaineacht agus an ocras, agus fás geilleagrach cuimsitheach a chothú

Domhan níos Córa: Cearta an duine a chur chun cinn agus a chosaint ar bhonn idirnáisiúnta

Domhan níos Sábháilte: Timpeallacht idirnáisiúnta atá seasmhach, daingean agus bunaithe ar rialacha

Domhan níos Inbhuanaithe: Creat nua um fhorbairt inbhuanaithe chun dul i ngleic leis an athrú aeráide, le slándáil bia agus le fadhbanna bainteacha

Tosaíochtaí i dtaobh Aschur

Cad a bheidh déanta againn faoi dheireadh 2016, 2017, 2018 agus 2019?

Laghdú ar an mbochtaineacht, an ocras agus an míchothú inár dtíortha comhpháirtíochta san Afraic
Córais agus seirbhísí níos láidre agus níos cuntasaoí do dhaoine bochta leochaileacha inár dtíortha comhpháirtíochta
Cúnamh daonnúil éifeachtach, ar bhonn príonsabail, agus cothú na hathléimneachta i measc pobail leochaileacha atá buailte ag géarchéimeanna tobanna, géarchéimeanna fadálacha, agus géarchéimeanna atá ligthe i ndearmad
Beartais náisiúnta a fhorbairt i dtaobh Coimirce Shóisialach agus talmhaíocht chuimsitheach inár dtíortha comhpháirtíochta
Dul chun cinn i dtreo sprioc na Náisiún Aontaithe i ndáil le 0.7% den olltáirgeacht náisiúnta a thabhairt mar chúnamh oifigiúil forbartha

Cearta an duine, comhionannas, an smacht reachta agus saoirse creidimh a chur chun cinn ag na Náisiúin Aontaithe, san Aontas Eorpach, san Eagraíocht um Shlándáil agus Comhar san Eoraip agus i gComhairle na hEorpa, inár rannpháirtíocht dhéthaobhach agus ar fud ár gclár forbartha

Cáidreamh láidir leis an tsochaí shibhialta agus tacaíocht don obair a dhéanann cosantóirí chearta an duine
Cur chun feidhme an dara Plean Gníomhaíochta Náisiúnta de chuid na hÉireann maidir le Mná, Síocháin agus Slándáil
Cur chun feidhme an Phlean Náisiúnta maidir le Gnó agus Cearta an Duine
Tacaíocht don Chúirt Choiriúil Idirnáisiúnta

Feachtas láidir ag Éirinn lena toghadh chuig Comhairle Slándála na Náisiún Aontaithe don tréimhse 2021-22, agus é bunaithe ar rannpháirtíocht ghníomhach na hÉireann ag na Náisiúin Aontaithe, san Aontas Eorpach, agus san Eagraíocht um Shlándáil agus Comhar san Eoraip maidir le síocháin agus slándáil agus an smacht reachta

Ról tacaíochta láidir a bheidh ag Éirinn maidir leis an dí-armáil, neamhleathadh arm, agus rialú arm
Toisc gur tír muid atá neodrach i gcúrsaí míleata agus a bhfuil taithí againn ar chothú na síochána ar an oileán seo againne, féadfar an-aird a thabhairt ar Éirinn agus í ag tacú le hidirphlé ar mhaithe le coinbhleachtaí a réiteach agus leis an athmhuintearas a chur chun cinn tar éis coinbhleachtaí
Cur i bhfeidhm éifeachtach na rialaithe ó chúirteanna agus binsí idirnáisiúnta

Bearta forbartha spriocdhírthe agus rannpháirtíocht bheartais chun comhlíonadh na Spriocanna Forbartha Inbhuanaithe a chur chun cinn ar fud an domhain
Rannpháirtíocht ghníomhach maidir le creat uile-Rialtais a bhunú chun na Spriocanna Forbartha Inbhuanaithe a chur chun feidhme sa tír seo

Ról tacaíochta maidir le cur le scála an mhaoinithe aeráide, agus beartas láidir a fhorbairt ar fud an Rialtais i dtaobh an athraithe aeráide
Cur le beartas comhtháite an Rialtais maidir le himirce, lena n-áirítear díriú ar riachtanais dhaonnúla agus ar bhunchúiseanna.

Ár gCuid Luachanna

A bheidh ag obair ar mhaithe le domhan níos cothroime, níos córa, níos sábháilte agus níos inbhuanaithe

Spríocanna
Cad iad na haidhmeanna atá againn?

Ár Rathúnas
Cur le rathúnas na hÉireann trínár gcuid leasanna geilleagracha a chur chun cinn thar lear

Torthaí

Cad a bhainfid amach faoin mbliain 2019?

Cion éifeachtach maidir le poist a chruthú, onnmhairí, agus turasóireacht agus oideachas in Éirinn, agus an obair sin a bheith bunaithe ar chaidreamh láidir déthaobhach thar lear

Tuiscint láidir idirnáisiúnta ar thiomantas na hÉireann don Aontas Eorpach agus ar a tiomantas i dtaobh timpeallacht a chothú atá báuil don ghnó

Ár gcultúr, ár n-ealaíona agus ár dtionscail chruthaitheachta a chur chun cinn trí líonra na Mísean

Tosaíochtaí i dtaobh Aschur

Cad a bheidh déanta againn faoi dheireadh 2016, 2017, 2018 agus 2019?

'Trading Better', beartas a thiocfaidh i ndiaidh na Straitéise Trádála, Turasóireachta agus Infheistíochta

Deiseanna a aithint agus a thapú i dtaobh infheistíochta agus cruthú post trí bheith i gceannas ar fhoirne margaí áitiúla agus tríd an gComhairle Trádála Easpórtála

Cabhróidh líonra na Mísean, i ndlúthchomhar leis na gníomhaireachtaí Stáit, le lucht gnó na hÉireann dul i bhfód ar an margadh agus an t-éagsúlú a chur chun cinn

An Straitéis um Sheirbhísí Airgeadais Idirnáisiúnta agus an Plean Gníomhaíochta do Phoist a chur chun cinn

Tacaíocht do 15-20 cuairt faoi stiúir Aire tráth Lá Fhéile Pádraig chun cúrsaí trádála a chur chun cinn, agus ar a laghad 20 cuairt eile dá samhail in aghaidh na bliana

Beidh RGET i gceannas ar dhá Straitéis a fhorbairt lena chinntiú go nglacfar cur chuige straitéiseach cothrom ar fud an Rialtais i leith an chaidrimh dhéthaobhaigh eadrainn féin agus na Stáit Aontaithe, Ceanada agus Meiriceá Laidineach agus na tíortha i réigiún na hÁise agus an Aigéin Chiúin

Leanúint le cur chun feidhme an bheartais nua um thaidhleoireacht gheilleagrach lena n-áirítear daoine breise i gcáil Attaché ag na Mísin Éireannacha

Teachtaireachtaí tábhachtacha á gcur in iúl ar fud an domhain ag Airí agus Mísin do theagmhálaithe ardleibhéil i réimsí an ghnó, na polaitíochta agus na meán

Clár cuairteanna ardleibhéil, idir chuaipteanna stáit agus chuaipteanna oifigiúla, ar Éirinn agus ó Éirinn

Breis is 300 imeacht cultúrtha á gcur ar bun gach bliain ag líonra na Mísean, chomh maith le tacaíocht a thabhairt do chuaipteanna agus imeachtaí arna gcistiú ag Cultúr Éireann

Cultúr na hÉireann a bheith ina chuid lárnach den chur chun cinn a dhéanann líonra na Mísean ar Éirinn mar cheann scríbe le haghaidh turasóireachta, ardoideachais, agus infheistíochta

Spriocanna

Cad iad na haidhmeanna atá againn?

Ár dTionchar

Neartú a dhéanamh ar ár dtionchar agus ar n-acmhainn chun na spriocanna atá againn a bhaint amach

Torthaí

Cad a bhainfidimid amach faoin mbliain 2019?

Seirbhís a sholáthar don Rialtas agus do na saoránaigh, a oireann d'athruithe agus do dhúshláin sa tír seo agus ar domhan

Meitheal ghairmiúil, chumasach i dtimpeallacht dhearfach oibre

Roinn atá oscailte agus cuntasach agus a chomhlíonann an deachleachtas sa rialachas

Tosaíochtaí i dtaobh Aschur

Cad a bheidh déanta againn faoi dheireadh 2016, 2017, 2018 agus 2019?

Cumas neartaithe ag na Misin agus ag an gCeanncheathrú i dtaobh leasanna na hÉireann a chur chun cinn agus a chosaint san Aontas Eorpach agus lasmuigh de

Seirbhís chliantlárnach do chustaiméirí, agus í á soláthar trí Phlean Gníomhaíochta um Sheirbhís do Chustaiméirí, tríd an gClár um Athchóiriú Pasanna, agus trí Straitéis Chonsalachta nua a fhoilsiú

Cumas neartaithe maidir le pleanáil straitéiseach agus ceapadh beartais lena chinntiú go dtabharfar tacaíocht éifeachtach don Rialtas, don Oireachtas agus do ghníomhaithe eile Stáit

Timpeallacht oibre ina bhfuil béim ar dhínit agus ar mheas, agus cur chun feidhme Phlean Gníomhaíochta RGET um Chomhionannas Inscne agus freagrachtaí níos leithne i dtaobh comhionannais agus éagsúlachta

Cumarsáid inmheánach éifeachtach lena spreagfar rannpháirtíocht agus feidhmíocht na foirne

Straitéis nua Acmhainní Daonna a fhorbairt agus a chur chun feidhme, a mbeidh clár láidir oiliúna agus teanga ag dul léi, bunaithe ar iniúchtaí ar scileanna

Straitéis TFC nua agus aschur láidir ón Tascfhórsa um Bainistíocht Eolais agus Nuálaíocht, lena gcumasófar an nuálaíocht agus lena bhfeabhsófar an tseirbhís do chustaiméirí

Muinín an phobail a chothú trí dhea-chumarsáid, mar a shonrófar i Straitéis Chumarsáide nua

Maoirseacht láidir ar bhuiséad na Roinne, lena n-áirítear caiteachas ar an gcúnamh oifigiúil forbartha

Ceannaireacht éifeachtúil, treoir straitéiseach, agus bainistíocht riosca arna soláthar ag Bord Bainistíochta, ag teacht lenár gcéad Chreat Rialachais Chorparáidigh

Cloí go hiomlán le raon na ndualgas agus na n-oibleagáid atá ar chomhlachtaí poiblí, lena n-áirítear i ndáil leis an nGaeilge, Saoráil Faisnéise, agus Cearta an Duine agus Comhionannas

Acmhainní
Foireann RGET
Cumais TFC
Comhpháirtíochtaí Straitéiseacha
Líonra Éireannaigh an Domhain
Ár gcomhpháirtithe idirnáisiúnta agus
sa tsochaí shibhialta

Straitéisí 2016-2019
Straitéis Acmhainní Daonna
Straitéis TFC
Straitéis Chumarsáide
Straitéisí Réigiúnacha
Straitéis Chonsalachta
Straitéis Trádála, Turasóireacht, agus Infheistíochta
An Clár um Athchóiriú Pasanna

Próisis Rialachais
An Fochoiste um Chomhionannas Inscne
An Tascfhórsa um Bainistíocht Eolais agus Nuálaíocht
Pleanáil Ghnó agus Bainistíocht Riosca
Athbheithnithe i dtaobh Luach ar Airgead, Measúnachtaí, Iniúchtaí, agus
Athbheithnithe ar Mhisin
Comhordú Idir-Rannach

Aguisín 1 – Comhpháirtithe Straitéiseacha Tábhachtacha RGET sa Rialtas

SPRIOC	TORADH	COMHPHÁIRTITHE STRAITÉISEACHA TÁBHACHTACHA	COMHAR
Muintir na hÉireann	Síocháin inbhuanaithe agus athmhuintearas feabhsaithe i dTuaisceart Éireann agus feabhas ar an gcomhar Thuaidh-Theas	Roinn an Taoisigh, an Roinn Dlí agus Cirt agus Comhionannais, an Roinn Ealaíon, Oidhreacht, Gnóthaí Réigiúnacha, Tuaithe agus Gaeltachta agus gach Roinn Rialtais	Dlúthchomhordú agus dlúthchomhar le Ranna eile chun cur chuige uile-Rialtais a chinntiú i dtaobh chur chun feidhme na gComhaontuithe i dTuaisceart Éireann, i dtaobh réitigh inbhuanaithe a fháil i gcomhthéacs an Bhreitheachta, agus i dtaobh comhar feabhsaithe Thuaidh-Theas a spreagadh, lena n-áirítear tríd an gComhairle Aireachta Thuaidh Theas. A bheith ag obair chun tacú leis an Roinn Dlí agus Cirt agus Comhionannais maidir le reachtaíocht náisiúnta a bhaineann le comhaontuithe síochána i dTuaisceart Éireann. Ag obair di lenár gcomhpháirtithe Rialtais, leagfaidh an Roinn agus Líonra na Misean béim ar ócáidí cuimhneacháin lena n-áirítear Cath Messines, deireadh an Chéad Chogaidh Dhomhanda, agus an Chéad Dáil
	Soláthar éifeachtach ar sheirbhísí pas agus seirbhísí consalachta dár gcuid saoránach	An Roinn Coimirce Sóisialaí, an Roinn Dlí agus Cirt agus Comhionannais, an Roinn Caiteachais Phoiblí agus Athchóirithe, an Roinn Airgeadais An Roinn Leanaí agus Gnóthaí Óige	Comhar maidir le feabhas a chur ar an tseirbhís do chustaiméirí agus ar an gcumas cur in aghaidh na calaíse. Rannpháirtíocht sa chlár oibre aitheantais ar fud an Rialtais. Comhar maidir le huchtú ó thar lear, lena n-áirítear ar leibhéal na Misean.
	Tacaíocht dár n-eisimircigh agus rannpháirtíocht níos doimhne le lucht ár nDiaspóra	Áras an Uachtaráin, Roinn an Taoisigh agus gach Roinn Rialtais, Údaráis Áitiúla	A bheith ag obair ar bhonn tras-Rialtais ar chur chun feidhme na ngealltanais nár comhlíonadh go fóill i mBeartas Diaspóra an Rialtais agus bonn eolais a chur faoin athbheithniú ar an mbeartas sin. Dul i gcomhairle le Ranna comhpháirtíochta lena chinntiú go mbeidh ról láidir ábhartha acu i bhFóram Saoránachta Éireannaigh an Domhain in 2017 agus i bhFóram Eacnamaíoch Éireannaigh an Domhain. A bheith ag obair le húdaráis áitiúla chun an rannpháirtíocht leis an diaspóra a fhorbairt sna ceantair éagsúla ar fud na hÉireann.

SPRIOC	TORADH	COMHPHÁIRTITHE STRAITÉISEACHA TÁBHACHTACHA	COMHAR
Ár nIonad san Eoraip	Leasanna na hÉireann a chosaint le linn na caibidlíochta ar imeacht na Ríochta Aontaithe as an Aontas Eorpach agus ar an gcaidreamh idir an tAontas agus an Ríocht Aontaithe san am atá le teacht	Roinn an Taoisigh agus Ranna eile a bhfuil baint mhór acu leis an Aontas Eorpach agus an Ríocht Aontaithe. Rialtas na Breataine. Rialtais Bhallstáit eile an Aontais agus Institiúidí an Aontais. Feidhmeannas Thuaisceart Éireann.	Beidh príomhról ag RGET, ag obair di le Roinn an Taoisigh agus Ranna eile, maidir le cuspóirí na hÉireann a leagan síos agus a chomhlíonadh. Beidh an Cheanncheathrú agus na Misin ag obair chun na cuspóirí sin a chomhlíonadh trí pháirt a ghlacadh i gcaibidlíocht agus trí theagmháil leanúnach le Rialtais eile, le hinstiúidí an Aontais Eorpaigh, agus le Feidhmeannas Thuaisceart Éireann. Déanfaidh na Misin anailís agus tuairisciú rialta chun cur lenár dtuisicint ar an dul chun cinn i leith na caibidlíochta agus ar thuairimí na gcomhpháirtithe.
	Leasanna na hÉireann á gcur chun cinn agus á gcosaint sa chaibidlíocht i dtaobh reachtaíocht an Aontais Eorpaigh agus cinntí eile	Na Ranna Rialtais ar fad	Déanfaidh RGET comhordú ar bheartas foriomlán na hÉireann i leith an Aontais Eorpaigh, ag obair di le Roinn an Taoisigh agus leis na Ranna eile go léir. I gcomhar leis an mBuanionadaíocht sa Bhruiséil go háirithe, beidh sí ag iarraidh a chinntiú go bhfuil leasanna na hÉireann á gcur chun cinn agus á gcosaint i gcaibidlíocht an Aontais Eorpaigh ar gach leibhéal. Leanfaidh líonra na Misean ar aghaidh ag obair chuige sin ar fud Bhallstáit an Aontais.
	Páirt iomlána a bheith ag Éirinn i bhforbairt an Aontais Eorpaigh amach anseo agus é ag freagairt do dhúshláin mhóra agus d'ábhair imní na saoránach agus aird i gcónaí ar a chuid luachanna agus ar an méid atá bainte amach aige	Roinn an Taoisigh, an Roinn Airgeadais, agus Ranna eile a bhfuil baint mhór acu leis an Aontas Eorpach, mar aon le gníomhaithe ón tsochaí shibhialta agus comhpháirtithe atá ar aon intinn linn	Comhoibriú le comhpháirtithe straitéiseacha chun leasanna agus tosaíochtaí na hÉireann maidir leis an bhforbairt a thiocfaidh ar an Aontas Eorpach a aithint agus a chur chun cinn i gcaibidlíocht ar bith a d'fhéadfadh a bheith ann.
	Nearth buan a bheith le sonrú sa chaidreamh déthaobhach eadrainn féin agus an Ríocht Aontaithe, ina léireofaí an ceangal – idir naisc pholaitiúla, naisc gheilleagracha agus naisc idir na daoine féin – is bonn leis an gcomhpháirtíocht ar leith eadrainn	Roinn an Taoisigh agus gach Roinn Rialtais	Tabharfaidh RGET agus ár líonra Misean tús áite do neartú a dhéanamh ar an gcaidreamh déthaobhach leis an Ríocht Aontaithe agus le húdaráis chineachta, agus do réitigh inbhuanaithe a aimsiú i gcomhthéacs an Bhreathimeachta.
	Cion mór a dhéanamh i dtaobh Straitéis Dhomhanda an Aontais Eorpaigh a chur chun feidhme agus i dtaobh na síochána agus na slándála i gcomharsanacht na hEorpa	Roinn an Taoisigh, an Roinn Dlí agus Cirt agus Comhionannais, an Roinn Post, Fiontar agus Nuálaíochta, an Roinn Cosanta	Leanfaidh RGET ar aghaidh ag cosaint leasanna agus luachanna na hÉireann ar fud ghníomhaíochtaí seachtracha an Aontais Eorpaigh agus á gcur chun cinn, chomh maith lena chinntiú go léireofar tionchar na hÉireann i gceapadh Straitéis Dhomhanda an Aontais.

SPRIOC	TORADH	COMHPHÁIRTITHE STRAITÉISEACHA TÁBHACHTACHA	COMHAR
Ár gCuid Luachanna	Domhan níos Cothroime: Dul chun cinn a dhéanamh ó thaobh deireadh a chur leis an mbochtaineacht agus an ocras, agus fás geilleagrach cuimsitheach a chur chun cinn	An Roinn Airgeadais, an Roinn Talmhaíochta, Bia agus Mara, an Roinn Cumarsáide, Gníomhaithe ar son na hAeráide agus Comhshaoil, an Roinn Sláinte	Dlúthchomhordú le Ranna Rialtais chun comhtháthú beartais a chur chun cinn, go háirithe maidir lenár rannpháirtíocht san Aontas Eorpach, tiomantais faoi Chlár Oibre 2030, chomh maith le rannpháirtíocht na hÉireann le heagraíochtaí na Náisiún Aontaithe, lena n-áirítear an Eagraíocht Dhomhanda Sláinte.
	Domhan níos Córa: Cearta an duine a chur chun cinn agus a chosaint ar bhonn idirnáisiúnta	An Roinn Dlí agus Cirt agus Comhionannais agus gach Roinn Rialtais	Tá RGET i gceannas ar an gCoiste Idir-Rannach ar Chearta an Duine a chuireann chun cinn an comhleanúnachas ar fud an Rialtais maidir le feidhmiú ár rannpháirtíochta seachtraí i ndáil le cearta an duine, go háirithe i bhfóiraim iltaobhacha. Ina theannta sin, tugann RGET tacaíocht do gach Roinn Rialtais atá freagrach as comhlíonadh ghealltanais na hÉireann i ndáil le cearta an duine a chosaint ar domhan.
Domhan níos Sábháilte: Timpeallacht idirnáisiúnta atá seasmhach, daingean agus bunaithe ar rialacha	An Roinn Cosanta, an Roinn Dlí agus Cirt agus Comhionannais, Roinn an Taoisigh agus gach Roinn Rialtais	A bheith ag obair le Ranna chun cloí le cion láidir na hÉireann i dtaobh síocháin agus slándáil idirnáisiúnta agus an smacht reachta, lena n-áirítear trí choimeád agus cothú na síochána. Dul i mbun plé le Ranna eile maidir le cloí le caighdeáin agus dualgais idirnáisiúnta agus cineálacha cur chuige comhordaithe a chumasú i ndáil le saincheisteanna leathana a éiríonn as fóiraim de chuid na Náisiún Aontaithe, lena n-áirítear comhordú a dhéanamh ar chur chun feidhme rún ó Chomhairle Slándála na Náisiún Aontaithe, seasaimh ar thionóil iltaobhacha chuí.	
	An Roinn Post, Fiontar agus Nuálaíochta	Coinneáil le cion láidir na hÉireann i leith na síochána agus na slándála idirnáisiúnta trí dhí-armáil, neamhleathadh arm agus rialú arm.	
	An Roinn Post, Fiontar agus Nuálaíochta, an Roinn Airgeadais, an Banc Ceannais An Roinn Cosanta, an Roinn Dlí agus Cirt agus Comhionannais	Rannpháirtíocht i réimse na smachtbhannaí idirnáisiúnta, más cuí, chun tacú le comhlíonadh dualgas idirnáisiúnta. Beidh an Roinn ag obair i dtreo daingniú a dhéanamh ar leasuithe Kampala ar reacht na Róimhe de chuid na Cúirte Coiriúla Idirnáisiúnta ar choir na hionsaitheachta.	
Domhan níos Inbhuanaithe: Creat nua um fhorbairt inbhuanaithe chun dul i ngleic leis an athrú aeráide, le slándáil bia agus le fadhbanna a bhaineann leo sin	An Roinn Cumarsáide, Gníomhaithe ar son na hAeráide agus Comhshaoil, Roinn an Taoisigh, an Roinn Airgeadais, gach Roinn Rialtais An Roinn Dlí agus Cirt agus Comhionannais, Roinn an Taoisigh, gach Roinn Rialtais	Beidh an Roinn i dteagmháil le gach Roinn Rialtais lena chinntiú go mbeidh rannpháirtíocht láidir idirnáisiúnta ann maidir le Clár Oibre 2030 a chur chun feidhme, agus go gcuirfear chun feidhme ar shlí chomhleanúnach é sa tír seo. Tacóidh an Roinn leis an Roinn Cumarsáide, Gníomhaithe ar son na hAeráide agus Comhshaoil maidir le cur le scála an mhaoinithe do chúrsaí aeráide. Beidh an Roinn, idir an Cheanncheathrú agus ár líonra Misean, ag cuidiú le hiarrachtaí tras-Rialtais chun freagairt láidir ar an ngéarchéim imirce a chinntiú.	

SPRIOC	TORADH	COMHPHÁIRTITHE STRAITÉISEACHA TÁBHACHTACHA	COMHAR
Ár Rathúnas	Cion éifeachtach maidir le poist a chruthú, onnmhairí, agus turasóireacht agus oideachas in Éirinn, agus an obair sin a bheith bunaithe ar chaidreamh láidir déthaobhach thar lear	Na Ranna Rialtais agus na Gníomhaireachtaí Stáit go léir	<p>Is í RGET a sholáthraíonn an Rúnaíocht don Chomhairle Trádála Easpórtála, atá faoi chathaoirleacht an Aire Gnóthaí Eachtracha agus Trádála agus ar a bhfreastalaíonn a chomhghleacaithe Rialtais, Gníomhaireachtaí Stáit agus ionadaithe gnó.</p> <p>Bíonn Misin thar lear i gceannas ar Fhoirne Margáí Áitiúla, ina dtugtar le chéile daoine tábhachtacha ón Roinn agus ó Ghníomhaireachtaí Stáit chun cur chuige comhtháite a ghlacadh i dtaobh chur chun cinn na trádála, na turasóireachta agus na hinfheistíochta.</p> <p>Comhordaíonn RGET teachtaireachtaí bolscaireachta leis na Ranna ar fad agus le gníomhaireachtaí cuí Stáit i margáí thar lear, go háirithe i rith thréimhse na Féile Pádraig. Tá ról comhordaithe ag RGET freisin maidir leis na Misin Trádála faoi stiúir Fhiontraíocht Éireann. Beidh príomhról ag an Roinn agus a cuid Misean maidir le tacú le cur chun feidhme na Straitéise Oideachais Idirnáisiúnta nua, chomh maith leis na gnéithe idirnáisiúnta de FoodWise 2025.</p> <p>Rachaidh RGET i gcomhairle leis na gníomhaithe cuí go léir, idir ghníomhaithe Rialtais agus ghníomhaithe neamh-Rialtais, chun tabhairt faoi 'Trading Better', an beartas a thiocfaidh i ndiaidh na Straitéise Trádála, Turasóireachta agus Infheistíochta, chomh maith le straitéisí uile-Rialtais i leith na hÁise agus Chríocha Mheiriceá.</p> <p>Trí Rúnaíocht na Comhairle Aireachta Thuaidh-Theas in Ard Mhacha, tacaíonn RGET freisin le comhar geilleagrach arna chur chun cinn ag an gComhairle sin agus ag na sé Chomhlacht Forfheidhmithe Thuaidh-Theas agus Turasóireacht Éireann.</p> <p>Téann an Roinn i gcomhairle le Seirbhís Eadóirseachta agus Inimirce na hÉireann i dtaobh iarratais ar víosa.</p>
	Tuiscint láidir idirnáisiúnta ar thiomantas na hÉireann don Aontas Eorpach agus ar a tiomantas i dtaobh timpeallacht a chothú atá báúil don ghnó	Na Ranna Rialtais agus na Gníomhaireachtaí Stáit go léir	Tacaíonn RGET le líonra na Misean agus le Foirne Margáí Áitiúla maidir le príomhtheachtaireachtaí an Rialtais a chur in iúl don lucht éisteachta cuí thar lear i dtaobh trádála, infheistíochta agus cúinsí gnó.
	Ár gcultúr, ár n-ealaíona agus ár dtionscail chruthaitheachta a chur chun cinn trí líonra na Misean	Roinn an Taoisigh, an Roinn Ealaíon, Oidhreachta, Gnóthaí Réigiúnacha, Tuaithe agus Gaeltachta, Gníomhaireachtaí Stáit	Tá an taidhleoireacht chultúrtha ina réimse oibre tábhachtach i gcás líonra na Misean. Bíonn an Roinn agus na Misin ag obair i gcomhar le Gníomhaireachtaí Stáit agus le soláthraithe cultúir chun branda na hÉireann a chur in iúl go tréan thar lear.

SPRIOC	TORADH	COMHPHÁIRTITHE STRAITÉISEACHA TÁBHACHTACHA	COMHAR
Ár dTionchar	Seirbhís a sholáthar don Rialtas agus do na saoránaigh, a oireann d'athruithe agus do dhúshlán sa tír seo agus ar domhan	Roinn an Taoisigh, an Roinn Caiteachais Phoiblí agus Athchóirithe, na Ranna Rialtais agus na Gníomhaireachtaí Stáit go léir	Déanfaidh an Roinn líonra na Misean a ghíaráil chun tacaíocht iomlán a thabhairt do thosaíochtaí an Rialtais thar lear. Oibreoimid leis an Roinn Caiteachais Phoiblí agus Athchóirithe agus le Ranna cú eile lena chinntiú go gcuirfimid an dea-chleachtas i bhfeidhm i dtaobh seirbhís do chustaiméirí.
	Meitheal ghairmiúil, chumasach i dtimpeallacht dhearfach oibre	Roinn an Taoisigh, an Roinn Caiteachais Phoiblí agus Athchóirithe, Oifig na nOibreacha Poiblí	Agus é á chinntiú aici go mbeidh an dea-chleachtas á fheidhmiú inár gcuid beartas agus straitéisí oibríochta, rachaidh an Roinn i gcomhairle le páirtithe leasmhara cú de chuid an Rialtais agus le hionadaithe foirne.
	Roinn atá oscailte agus cuntasach agus a chomhlíonann an dea-chleachtas sa rialachas	An Roinn Caiteachais Phoiblí agus Athchóirithe agus gach Roinn Rialtais An Roinn Ealaíon, Oidhreachta, Gnóthaí Réigiúnacha, Tuaithe agus Gaeltachta Coimisiún na hÉireann um Chearta an Duine agus Comhionannas	Beidh páirt ghníomhach ag RGET i dtionscnaimh maidir le hAthchóiriú na Seirbhíse Poiblí agus Athnuachan na Státseirbhíse, trína rannpháirtíocht ar Bhord Bainistíochta na Státseirbhíse agus i líonraí eile a bhíonn ag plé le hathchóiriú. Leanfaidh RGET ar aghaidh ag obair lena chinntiú go gcomhlíonaimid ár n-oibleagáidí faoi Acht na dTeangacha Oifigiúla 2003 agus go gcuirfimid an Ghaeilge chun cinn inár gcuid seirbhísí agus inár dtaidhleoireacht phoiblí. Beidh an Roinn ag obair leis an gCoimisiún chun an dea-chleachtas a fhorbairt agus muid ag comhlíonadh an Dualgais Seirbhíse Poiblí atá orainn maidir le cearta an duine agus comhionannas i ndáil le forbairt straitéisí agus beartas, idir inmheánach agus seachtrach.

IARSCRÍBHINN 2 – COMHTHÉACS AGUS CÚLRA

Clár don Rialtas Comhpháirtíochta

Leagtar amach sa Ráiteas Straitéise seo conas a chuireann an Roinn Gnóthaí Eachtracha agus Trádála chun feidhme na gealltanais a sannadh di faoin [gClár don Rialtas Comhpháirtíochta](#). Is í an Roinn Gnóthaí Eachtracha agus Trádála atá freagrach as comhlíonadh na ngealltanais a bhaineann leis **an gcaidreamh eadrainn féin agus ár gcomhpháirtithe san Aontas Eorpach agus ár gcomhpháirtithe idirnáisiúnta, le hathmhuintearas agus comhar ar oileán na hÉireann, leis an ngeilleagar agus le cur chun feidhme chlár na hÉireann um chúnamh thar lear**. Tá liosta iomlán na nGealltanais in Iarscríbhinn 5.

Sna blianta amach romhainn, beidh obair na Roinne dírithe go mór ar chur chun feidhme bheartas an Rialtais maidir leis an gcinneadh a rinne an Ríocht Aontaithe imeacht as an Aontas Eorpach, cibé acu ról na hÉireann a shainiú i gcomhthéacs nua an Aontais nó an caidreamh déthaobhach ar leith idir muid féin agus an Ríocht Aontaithe a chosaint agus a neartú ar fud raon ár rannpháirtíochta. I réimse **an gheilleagair**, beidh na gealltanais ag teacht le Plean Gníomhaíochta an Rialtais do Phoist, d'fhonn onnmhairí a mhéadú, agus tacú leis an nuálaíocht agus cuidiú le cuideachtaí Éireannacha dul i bhfód ar mhargaí nua thar lear. Tá sé fós ina thosaíocht lárnach ag an Roinn **an tsíocháin agus an t-athmhuintearas** a chur chun cinn ar oileán na hÉireann, an comhar Thuaidh-Theas a chothú agus a chinntiú go ndéanfar feidhmiú iomlán ar Chomhaontú Aoine an Chéasta agus comhaontuithe a bhaineann leis. Ina theannta sin, tá an Roinn freagrach as cur chun feidhme ghealltanais na hÉireann maidir le cur i gcoinne an ocrais agus na bochtaineachta ar domhan, lena n-áirítear cúnamh daonnúil a thabhairt. Leagfar béim ar Chlár Oibre 2030 (na Spriocanna Forbartha Inbhuanaithe) a chur chun feidhme sa tír seo agus ar fud an domhain. Tá freagrachtaí áirithe ar líonra na Misean i dtaobh tacaíocht a thabhairt do na Ranna Rialtais agus na gníomhaireachtaí ar fad atá ag comhlíonadh na ngealltanais a bhfuil gné idirnáisiúnta acu faoin gClár don Rialtas Comhpháirtíochta, agus i dtaobh an dea-cháil atá ar Éirinn mar chomhpháirtí uasal domhanda a choimeád.

An tOileán Domhanda: Beartas Eachtrach na hÉireann maidir le Domhan atá ag Athrú agus Domhan Amháin, Todhchaí Amháin: Beartas na hÉireann maidir le Forbairt Idirnáisiúnta

Is lárnach go fóill iad an tAthbhreithniú ar Bheartas Eachtrach an Rialtais [An tOileán Domhanda: Beartas Eachtrach na hÉireann maidir le Domhan atá ag Athrú](#), a foilsíodh i mí Eanáir 2015, agus beartas nua an Rialtais ar Fhorbairt Dhomhanda, [Domhan Amháin, Todhchaí Amháin](#), a foilsíodh i mí na Bealtaine 2013, agus chuir na ráitis bheartais sin bonn eolais faoin Ráiteas Straitéise seo.

Measúnacht ar Chearta an Duine agus Comhionannas agus Saincheisteanna ina dtaobh

Faoi [Acht na hÉireann um Chearta an Duine agus Comhionannas \(2014\)](#), ní mór don Roinn seo aird a thabhairt ar an ngá atá le fáil réidh le leithcheal, cur chun cinn an chomhionannais deiseanna agus an chomhionannais sa chaoi ina gcaitear le baill foirne agus custaiméirí, agus cearta daonna na mball foirne agus na gcustaiméirí a chosaint. Tá an Roinn tiomanta do mheasúnú a dhéanamh in am trátha ar na saincheisteanna i dtaobh chearta an duine agus comhionannais a bhaineann lenár bhfeidhmeanna féin, mar atá leagtha amach san Acht. Thairis sin, toisc go bhfuil cur chun cinn chearta an duine agus an chomhionannais ina mbunchlocha i mbeartas eachtrach na hÉireann, déantar na cineálacha cur chuige sin a phríomhshruthú sa cheapadh beartais. Tá an Roinn ina cathaoirleach ar an gCoiste Idir-Rannach um Chearta an Duine agus bíonn plé gníomhach aici leis an tsochaí shibhialta sa bhaile agus thar lear. Tá cearta an duine agus an comhionannais ina ngnéithe lárnacha d'fhorbairt na mbeartas a bhaineann le baill foirne chomh maith. Le blianta beaga anuas, tá roinnt céimeanna glactha ag an Roinn maidir le comhionannas inscne. Ina measc siúd bunaíodh Fochoiste de chuid an Bhoird Bainistíochta ar Inscne agus Éagsúlacht, agus ullmhaíodh Plean Gníomhaíochta um Chomhionannas Inscne. Bunaíodh dhá mheitheal oibre – ceann ar chomhionannas inscne agus ceann ar an éagsúlacht agus ar chomhionannas – chun leanúint leis an obair sa réimse sin.

Iarscríbhinn 3 – Monatóireacht agus Athbhreithniú


Leagfar amach sa Ráiteas Straitéise seo na spriocanna ardleibhéil le haghaidh Pleananna Gnó agus Cláir Rioscaí bhliantúla ar fud na nAonad Gnó ar fad sa Roinn Gnóthaí Eachtracha in 2017, 2018 agus 2019. Tá feidhm aige sin maidir le Rannóga agus Aonaid Tosaigh sa cheanncheathrú agus i líonra na Misean. Léireofar na spriocanna ardleibhéil agus na torthaí ardleibhéil cuí i bPleananna Gnó aonair arna gceadú ag Bord Bainistíochta na Roinne lena chinntiú go mbeidh comhleanúnachas le sonrú ar fud obair na Roinne. Is ar bhonn na bPleananna Gnó sin a leagtar síos spriocanna agus a thugtar faoi bhainistíocht agus forbairt feidhmíochta i gcás na n-oifigeach ar fad sa Roinn.

Gheobhaidh an Bord Bainistíochta tuairiscí rialta ar phleanáil agus straitéis ghnó agus ar chur chun feidhme an Ráitis Straitéise. Éilítear ar na hAonaid Ghnó athbhreithnithe feidhmithe a chur i láthair i lár na bliana maidir leis na Spriocanna agus na Torthaí ardleibhéil a bhaineann leo féin. Ansin ullmhaíonn an Roinn Tuarascáil Bhliantúil ina gcuirtear in iúl an méid a baineadh amach gach bliain ó thaobh na dTorthaí a aithníodh sa Ráiteas Straitéise seo.

Soláthraíonn an Roinn Gnóthaí Eachtracha agus Trádála príomhtháscairí feidhmíochta a bhaineann lena lán de na hAschuir ardleibhéil sa Ráiteas Straitéise seo. Foilsítear roinnt de na táscairí sin sna Meastacháin bhliantúla do vótaí na Roinne, áirítear roinnt eile acu i bhfoilseacháin thráthrialta agus i bpreaseisiúintí amhail cinn ar staitisticí consalachta, pasanna agus trádála a fhoilsítear gach bliain. Leanfaidh an Roinn ar aghaidh ag obair chun an tsraith chuimsitheach príomhtháscairí feidhmíochta sin, idir chainníochtúil agus cháilíochtúil, a bheachtú. Tá an Roinn tiomanta dá chinntiú go mbeidh cuntasacht agus cur chuige oscailte i réim agus í ag plé leis an Oireachtas agus leis an bpobal. Tá sonraí iomlána ina leith sin, agus i leith struchtúr na Roinne Gnóthaí Eachtracha agus Trádála agus sannadh na bhfreagrachtaí di, i [gCreat Rialachais Chorparáidigh](#) nua na Roinne, a foilsíodh ar dtús in Aibreán 2016.

Iarscríbhinn 4 – An Próiseas Comhairliúcháin

Chuathas i gcomhairle le daoine ar fud na Ranna Rialtais agus le baill den Oireachtas chun bonn eolais a chur faoi ullmhú an Ráitis Straitéise seo. Bhí dlúthbhaint ag Bord Bainistíochta na Roinne le dréachtú na straitéise agus tugadh an deis do gach ball foirne ionchur a bheith acu ina leith agus í á hullmhú. Tugadh cuireadh do pháirtithe leasmhara a dtuairimí a thabhairt le linn na tréimhse ullmhúcháin freisin. Chuathas i mbun comhairliúchán poiblí iomlán, lena n-áirítear leis an tsochaí shibhialta, nuair a bhí na doiciméid [An tOileán Domhanda](#) agus [Domhan Amháin, Todhchaí Amháin](#) á n-ullmhú.



IARSCRÍBHINN 5 – GEALLTANAS A RINNEADH FAOIN GCLÁR DON RIALTAS COMHPHÁIRTÍOCHTA

- Comhlíonfaimid go gníomhach sainordú Rialtas na hÉireann inár gcáil mar chomhráthóir ar Chomhaontú Aoine an Chéasta agus, de bhreis ar an dul chun cinn nach beag atá déanta cheana féin, comhlíonfaimid gealltanais a rinneadh faoi chomhaontuithe ina dhiaidh sin lena n-áirítear Comhaontú Theach Stormont 2014 agus an Comhaontú um Thús Nua 2015, atá ina gcreat nua polaitiúil, sóisialta agus geilleagrach do Thuaisceart Éireann.
- Leanfaimid ar aghaidh ag obair le Rialtas na Breataine agus le hÚdaráis Stáit Aontaithe Mheiriceá chun tacú leis na Páirtithe Feidhmiúcháin i dThuaisceart Éireann maidir le comhlíonadh na ngealltanais faoi na Comhaontuithe sin.
- Agus aird againn i gcónaí sa chur chuige a ghlacaimid ar riachtanais na n-íospartach agus na marthanóirí, tógfaimid ar an dul chun cinn a rinneadh sna cainteanna le déanaí chun an creat institiúideach i dtaobh an ama atá caite a bhunú, mar a leagadh síos faoi Chomhaontú Teach Stormont.
- Féachfaimid go gníomhach le feidhmiú a dhéanamh ar na rúin Uile-Pháirtí Dála a ritheadh in 2008 agus 2011 maidir leis na heachtraí uafásacha buamála i mBaile Átha Cliath agus i Muineachán in 1974.
- Leanfaimid ar aghaidh ag tacú le grúpaí íospartach agus ag cur chun cinn an athmhuintearais i measc na bpobal ar an dá thaobh den teorainn ar ghoill an choinbhleacht go mór orthu, trí Chiste Athmhuintearais an Rialtais agus trí rannpháirtíocht na nAirí le hionadaithe ó thraidisiúin na bpobal éagsúil.
- Tacóimid le hiarrachtaí comhlíonadh a dhéanamh ar na gealltanais a rinneadh faoi Chomhaontuithe roimhe seo agus nár cuireadh chun feidhme go fóill, lena n-áirítear Fóram Comhairliúcháin Thuaidh-Theas a bhunú; fiosrúchán poiblí a bhunú faoi dhúnmharú Pat Finucane; agus Bille Cearta a fhógairt do Thuaisceart Éireann.
- Ag tógáil ar na cuairteanna stáit ar éirigh go geal leo in 2011 agus 2014, leanfaimid ar aghaidh ag feabhsú an chaidrimh idir Éire agus an Ríocht Aontaithe, lena n-áirítear faoi Chomhaontú Aoine an Chéasta, trí Chomhairle na Breataine-na hÉireann agus trí na cruinnithe mullaigh bliantúla idir an Taoiseach agus Príomh-Aire na Breataine. Neartóimid an comhar leis na húdaráis chineachta go léir.
- Méadóimid líon na misean trádála comhpháirtíochta Thuaidh-Theas chun deiseanna oibre nua a chruthú do dhaoine ar an dá thaobh den teorainn.
- Comhlíonfaimid na gealltanais a rinne Rialtas na hÉireann i gComhaontú Theach Stormont agus sa Chomhaontú um Thús Nua a mbeidh sé ina aidhm leo dlús a chur faoin bhfás geilleagrach san Iarthuaisceart trí thionscnamh Thairseach an Iarthuaiscirt, uasghrádú an bhóthair A5 agus tuilleadh forbartha a dhéanamh ar Chanáil Uladh. Leanfaimid ag forbairt Glasbhealaí agus Gormbhealaí trasteorann eile.
- Ag obair dúinn le Feidhmeannas Thuaisceart Éireann, tabharfaimid faoi athbhreithniú ar thionscadal Dhroichead Chaol Uisce chun féachaint ar roghanna i ndáil leis an bhforbairt amach anseo.
- Leanfaimid ar aghaidh ag cur chun cinn an chomhair Thuaidh-Theas, go háirithe trí chomhlachtaí trasteorann agus tríd an gComhairle Aireachta Thuaidh-Theas, agus tapóimid an deis faoi Chomhaontú Theach Stormont chun réimsí nua comhair a fhorbairt i gcúrsaí amhail an trádáil, an tsláinte, an turasóireacht, an spórt agus an tslándáil.

IARSCRÍBHINN 5 – GEALLTANAS A RINNEADH FAOIN GCLÁR DON RIALTAS COMHPHÁIRTÍOCHTA

- Is eol dúinn go n-imríonn an choimhlint fhoréigineach tionchar díreireach ar mhná agus ar chailíní, agus dá bhrí sin cinnteoidimid go gcuirfear chun feidhme go tráthúil an dara Plean Gníomhaíochta Náisiúnta de chuid na hÉireann ar Mhná, Síocháin agus Slándáil agus tacóimid le hiarrachtaí idirnáisiúnta chun mná agus cailíní a chosaint i gcriosanna coimhlinte.
- Coinneoidimid leis an ról gníomhach atá againn ag Comhairle Gnóthaí Eachtracha an Aontais Eorpaigh, san Eagraíocht um Shlándáil agus Comhar san Eoraip agus trí na Náisiúin Aontaithe, agus muid ag iarraidh réitigh thaidhleoireachta a aimsiú ar ghéarchéimeanna agus ar choimhlint, go háirithe sa tSiria, san Iaráic, sa Libia, agus san Úcráin.
- Leanfaimid orainn ag tacú go gníomhach le ról níos láidre don Aontas Eorpach i bPróiseas Síochána an Mheánoirthir, próiseas nach bhfuil dul chun cinn ar bith á dhéanamh ina leith faoi láthair, agus seasfaimid leis an ngealltanais atá tugtha againn i ndáil le haitheantas a thabhairt do Stát na Palaistíne mar chuid de réiteach buan ar an gcoimhlint.
- Tá an radacú agus an sceimhlitheoireacht ina mbagairt ar ár sábháilteacht agus ar ár gcóras luachanna. Tacóimid le hiarrachtaí an Aontais Eorpaigh agus na Náisiúin Aontaithe chun dul i ngleic leis an radacú lasmuigh de theorainneacha an Aontais trí bhearta ar nós a bheith ag obair le tríú tíortha chun stop a chur le réim na sceimhlitheoirí brúidiúla.
- Cuirfimid cearta bunúsacha, smacht reachta agus saoirse reiligiúin chun cinn agus tacóimid le hiarrachtaí an Aontais Eorpaigh agus na Náisiúin Aontaithe stop a chur leis an ngéarleanúint ar mhionlaigh eitneacha agus reiligiúnacha. Leanfaimid ar aghaidh ag cosaint chearta an duine agus á gcur chun cinn trí fhórait iltaobhacha, agus ag tacú leis an obair a dhéanann Cosantóirí Chearta an Duine.
- Tá ár mballraíocht ghníomhach sna Náisiúin Aontaithe ina gné thábhachtach dár mbeartas eachtrach. Rachaimid i mbun feachtais agus muid ag iarraidh go dtoghfaí Éire chun suíochán neamhbhuan ar Chomhairle Slándála na Náisiúin Aontaithe don téarma 2021-2022. Labhróimid amach ar son leasú a dhéanamh ar Chomhairle Slándála na Náisiúin Aontaithe d'fhonn cothromaíocht réigiúnach níos mó a bhaint amach i measc na mball.
- Agus muid ag cloí le hoidhreacht uasal na hÉireann, cinnteoidimid go mbeidh príomhról ag Éirinn go fóill i dtaobh neamhleathadh arm núicléach agus rialú arm trí na Náisiúin Aontaithe agus san Eagraíocht um Shlándáil agus Comhar san Eoraip.
- Leanfaimid ar aghaidh ag cur misin trádála nua faoi stiúir aire ar bun. Leanfaimid ar aghaidh ag glacadh seasamh láidir chun ár leasanna ionsaitheacha agus cosanta a chosaint maidir le caibidlíocht trádála.
- Forbróimid Straitéis thras-earnálach nua ar fud an Rialtais i leith Réigiún na hÁise-an Aigéin Chiúin, trína dtabharfaimid aitheantas don neartú ar an ngaol idir Éire agus a lán tíortha sa réigiún sin.
- Forbróimid Straitéis do Chríocha Mheiriceá – straitéis thras-earnálach uile-rialtas nua – agus aird againn ar an gceangal láidir idir Éire agus tíortha ar fud mhór-roinn Mheiriceá, agus ar na deiseanna chun feabhas a chur ar an gcaidreamh eadrainn féin agus tíortha i Meiriceá Láir agus Meiriceá Theas agus i Réigiún Mhuir Chairib go háirithe. Cuirfimid borradh faoin trádáil le tíortha san Afraic.
- Déanfaimid measúnú ar líonra na misean taidhleoireachta lena chinntiú go bhfuil a leithead agus a dhoimhneacht i gcomhréir le tosaíochtaí straitéiseacha na hÉireann, d'fhonn leathnú a dhéanamh air ag teacht leis na straitéisí atá beartaithe do Réigiún na hÁise-an Aigéin Chiúin agus do Chríocha Mheiriceá.
- Leanfaimid orainn ag obair i ndlúthpháirt le heagraíochtaí neamhrialtasacha in Éirinn agus thar lear lena chinntiú gur furasta a shroichfidh cistiú cúnaimh na hÉireann iad siúd atá i ngátar agus go mbeidh an tsolúbthacht ann ina leith chun déileáil le héigeandálaí agus tús áite á thabhairt an tráth céanna do thorthaí fadtéarmacha na gclár forbartha ag teacht le beartais forbartha idirnáisiúnta an Rialtais a foilsíodh in 2013, Domhan Amháin, Todhchaí Amháin.
- Rinne Éire, in éineacht leis an gCéinia, comh-éascú ar an gcaibidlíocht faoi na Spriocanna Forbartha Inbhuanaithe nua ag na Náisiúin Aontaithe. Beimid ag obair chun na Spriocanna Forbartha Inbhuanaithe a chur chun feidhme agus a bhfeidhmiú ar fud an domhain a chur chun cinn.
- Leanfaimid ar aghaidh leis an dul chun cinn i dtreo sprioc na Náisiúin Aontaithe a bhaint amach i ndáil le 0.7% den olltáirgeacht náisiúnta a thabhairt mar chúnamh oifigiúil forbartha, faoi réir fáil a bheith ar acmhainní.
- Cinnteoidimid maoirseacht láidir ar bhuiséad na hÉireann don chúnamh oifigiúil forbartha.
- Leanfaimid ar aghaidh leis an gclár oibre nuálaíochta ba chúis le tabhairt isteach an Chárta Pas in 2015.